

謏聞續筆

明遺民著

下

進步局

白

浙江圖書館藏
浙大圖書館藏

PCG

設聞續筆卷三

明末遺民著

劉仕義云。國朝五事。超越前代。尊孔子以先師。而祀以天子之禮樂。一也。優外戚。以重祿。而處以安閒之職銜。二也。政本有歸。無母后專制之失。三也。兵柄有統。無悍將拒命之患。四也。禁官妓。而嚴官箴。敦尚風化。五也。陸容云。本朝度越前代有數事。公主不再嫁。中官不封侯。臣下不敢擅生殺。重臣不得辟下僚。文廟不用木像。岳瀆海鎮不加封號。文武官不得挾妓。陳繼儒又舉十事云。生員不許陳民間利弊。一也。九鎮以制府文臣為將。天子自為居守。二也。閭臣部寺之長。與邊腹大帥。外廷會推。內廷不專。三也。母后不稱制。四也。勲戚不專政。五也。皇子講官。即用宮僚。不立博望苑。開天策府。六也。無殉葬。七也。無黥刺。則劓之刑。八也。京師有熟審。省直有恤刑。非大典。不輕赦。九也。任子不濫。十也。怡謂本朝善政。不可殫述。但天子自為居守。終是險着。重臣不辟下寮。反失器使。悍將不敢拒命。賢將亦無由建功。生殺不敢自擅。豪強亦無所畏忌。此數端俱有可商。至若內官不隸於冢宰。遂駕驚而難制。帑藏歸司以宦豎。或胥破而莫稽。君臣之分太隔。故在廷無腹心之推。親疎之殺不講。故小民受宗祿。

之累。料甲之氣。敵太高。貪吏之處分太輕。官俸太薄。難以責廉。士進以文。莫與核實。一旦土崩。未必不由此數者也。

太祖定鼎金陵。填燕雀湖為宮。實出睿斷。後亦有遷都之意而不果。嘗為文祭光祿寺。竈神曰。朕經營天下數十年。事事按古有緒。惟宮城前昂中窪。形勢不稱。本欲遷都。今朕年老。精力已倦。又天下新定。不欲勞民。且廢興有數。只得聽天。惟願鑑朕此心。福其子孫。文皇北遷。有自來矣。

崇禎壬午。諭禮部並在內各監局等衙門。官常典制。內外攸分。本職之外。豈宜侵越。我太祖高皇帝酌古式。令獨嚴近習之防。勅內官毋與外事。一時朝政清明。法紀整肅。拔本澄源。意甚深遠。朕鑒後追前。凜持祖訓。自今神宮等監及各司局庫等衙門。或典禮繕戎。或鳩工管鑪。或司膳服。或辦文書。都着勤慎小心。料理本等職業。應釐剔的極力釐剔。應節裁的加意節裁。各要精專供事。守法奉公。不許違越祖制。干預外事。違者即以亂政叅拏處斬。該部監仍詳察舊典。將各監局職掌。逐一開列來看。禮臣蔣德璟奏稱。按洪武二十五年。曾遣太監而聶慶童。往諭陝西河州等衛所番局。令其輸馬。以茶給之。住諭屬番。於軍民無與。且不假事權。暫住即還。終洪武之世。

無他特遣。永樂中始有遣使外夷。及遣往甘肅巡視却來回話者。洪熙中始有守備南京者。正統中始有率兵討賊征虜。及各省鎮守者。景泰初建會多艱。始有分坐十營。或稱監鎗者。然仍聽尚書于謙等節制。正德中邊關始置內監。且令提督禁兵內操。分坐勇士四衛軍營。非復祖宗之舊矣。他如監工監器。會同審錄。蘇杭織造。權稅開礦之役。大約利少害多。兼亦旋設旋止。總之稟成於高皇帝訓諭。內臣毋預政事。外臣毋行交結二語。足括千古治亂之源。神宮監掌太廟祭器。及祭祀灑掃殿庭廊廡。尚寶監掌御寶璽勅符將軍印信。陵上神宮監掌灑掃殿庭。及栽種菓木蔬菜之事。尚膳監掌供奉奉先殿。並御膳與宮內食物。及督光祿寺供奉諸筵宴飲食之事。尚衣監掌御用冠冕袍服履舄靴襪之事。司設監掌御用車輿。林榻衾褥帳幙等事。內官監掌成造婚禮奩冠。舄衾衾褥。帳幙儀仗。及內宮內使貼黃諸造作。並宮內器用首飾。食米土庫。架閣文書。鹽倉冰窖。司禮監掌冠婚喪祭禮儀制帛。與御前勘合賞賜筆墨表背書畫。並長隨當差內使人等出門馬牌等事。及催督光祿寺造辦一應筵宴。御馬監掌御馬及諸進貢。並典牧所關收馬驛之事。印綬監掌誥券貼黃印信。選簿圖畫。勘合符驗信符諸事。直殿監掌灑掃。

殿庭樓閣廊廡之事。以上凡監十一。每監太監一人。正四品左右少監各一人。從四品

左右監丞各一人。正五品典簿一人。從五品長隨奉御。正六品

各門掌晨昏啟閉關防出入。午門。端門。承天。東華。西華。左順。右順。

每門正一人。正四品門副一人。從四品

鐘鼓司。掌奉先殿祭樂及御樂。並宮內宴樂。與更漏早朝鐘鼓等事。惜薪司。掌宮

內諸處柴炭之事。以上凡司二。每司司正一人。正五品司副二人。從五品

兵仗局。掌御用兵器。並提督匠役造作刀甲之類。及宮內所用梳篋刷抵針剪諸物。

內織染局。掌染造御用及宮內一應緞疋絹帛。針工局。掌成造婚禮衣服。付內

官監收用。及造內宮諸人衣服鋪蓋等事。巾帽局。掌造內官諸紗帽鞋襪。及預備

賞賜巾帽等事。司苑局。掌宮內諸處蔬菓及種田之事。酒醋局。掌內官諸食用

酒醋麪糖諸物。以上凡局六。

內承運庫。收支緞疋金銀珠玉象牙諸寶貨之物。及同司鑰庫掌鈔錠之數。司鑰

庫。掌內各衙門鎖鑰。及收錢鈔之事。內府供用庫。掌御用香米及內用香燭油米。

並內官飯食菓食之類。以上凡庫三。每庫設大使一人。正五品左右副各一人。從五品

洪武三十年增置都知監掌內府各監行移一應關支勘合設太監一人正四品左右

少監各一人從四品左右監丞各一人正五品典簿一人正六品

東宮位下典璽局掌璽寶翰墨諸事局郎一人正五品局丞二人典藥局同御醫

修合藥餌供進湯液之事典膳局掌供進膳饌典服局掌冕弁冠帽袍服佩刀

靴襪諸物典兵局掌甲冑戈矛兵劍等物典乘局掌車馬之事設官俱與典璽局同惟無紀事奏

親王府承奉司掌王府諸司凡事則呈長史司並護衛指揮使司行之與內官衙

門不相統攝設承奉正六品副從六品典寶所掌王之寶正一人正六品副一人從六品典膳掌飲饌之事

典服掌袍服之事各正一人正六品副一人從六品門官二人掌王城宮殿啟閉關防正一人正六品副一人從六品

內使司冠一人司衣三人司佩一人司履一人司藥二人司夫二人

共十人

公主位下中使司掌府中諸事右各監局職掌會典不載部中案牘亦無可稽

奉聖諭後德環與王錫衮互相參酌考之實錄及吾學編函史史料諸書詳酌回奏

洪武中定宮中女官之職凡六局曰尚宮局尚宮二人正五品掌導引中宮凡六尚事物出

內文籍皆印署之所總四司曰司記二人正六品掌印宮內諸司簿書出入錄目審而付

行。典記

七品

正掌記

八品

正佐之。

曰司言。

掌傳宣表啓之事。

典言掌言佐之。

人數品級同上。

曰司簿。

掌名簿廩賜之事。

典簿掌簿佐之。

曰司閹。

掌宮閹筦鑰之事。

典閹掌閹佐之。

凡司各有女史執掌文書或二

今或四人或六人惟司籍十人

曰尚儀局尚儀。

掌禮樂起居所總四司。

曰司籍。

掌

經籍教授筆札几案之事。

典籍掌籍佐之。

曰司樂。

掌率樂人習樂陳縣拊擊進退之

事。

典樂掌樂佐之。

曰司賓。

掌朝見宴會賞賜之事。

典賓掌賓佐之。

曰司贊。

掌朝見宴

會贊相之事。

典贊掌贊佐之。

又彤史。

掌后妃群妾御於君前書其月日。

曰尚服。

掌供內服用采章之數。

所總四司。

曰尚寶。

掌寶璽符契圖籍。

典寶掌寶佐

之。

曰司衣。

掌衣服首飾。

典衣掌衣佐之。

曰司飾。

掌膏沐巾櫛器玩之事。

典飾掌飾佐

之。

曰司仗。

掌羽與仗衛之事。

典仗掌仗佐之。

曰尚食局尚食。

掌供膳饌品齊之

數。

凡進食先嘗之。

所總四司。

曰司膳。

掌割烹煎和之事。

典膳掌膳佐之。

曰司醢。

掌酒

醢配飯之事。

典醢掌醢佐之。

曰司藥。

掌醫方藥物之事。

典藥掌藥佐之。

曰司饔。

掌給

宮中廩餼薪炭之事。

典饔掌饔佐之。

曰尚寢局尚寢。

掌燕寢進御之次序。

所總

四司。

曰司設。

掌帷帳相褥灑掃張設之事。

典設掌設佐之。

曰司興。

掌興輦轎扇羽儀

之事。

典興掌興佐之。

曰司苑。

掌園苑種植蔬菜之事。

典苑掌苑佐之。

曰司燈。

掌燈燭

之事。

典燈掌燈燭

膏火之事。典燈掌燈佐之。曰尚功局尚功。一掌女功之程課。所總四司。曰司製。掌衣服裁製縫線之事。典製掌製佐之。曰司珍。掌金玉寶貨之事。典珍掌珍之。曰司綵。掌綵繒錦裘之事。典綵掌綵佐之。曰司計。掌度支衣服飲食薪炭之事。典計掌計佐之。又宮正司宮正。一掌紀察宮闈責罰戒令之事。司正二人。典正四人。品與六女史四人局同。于文定曰。高皇櫛風沐雨。與諸臣起昆弟。晚節於文臣多所誅戮。建文易之。尊禮文臣。與同密謀。而武臣失職。加以文皇少受中山兵法。數練兵出塞。為將士所服。諸老將內憤失職。而外憚成祖之英武。以茲多不用命。至齊黃所薦李景隆。又怯詐小人。徒好大言。人心益憤。而國事去矣。故金川之役。武臣迎降。文臣死節。非其效歟。烈皇於文武臣工。極意推誠。而諸臣一味朦混。展轉欺飾。破綻畢露。致生厭薄。然而愛民好士之意。出於由衷。雖遭顛覆。無不聖明誦之。故一時文武臣死綬死事。雖不乏人。而草澤之彥。豪傑之士。斫脰陷胸。百折不屈。明知無濟。不肯但已者。實繁有徒。亦史冊所未有也。

何孟春曰。社壇天地之祀。國初定制。分冬夏至。一如周禮行之既久。風雨不時。天多變異。洪武十年。高皇帝因覽羣議。獨斷於衷。始定合祀之典。即圓丘舊壇。覆以屋。名

大祀殿歲正月擇日而行禮焉。十二年始合祀大祀殿。仁祖配享。命官分獻日月星辰岳瀆鎮海山川諸神。凡十四壇。二十一年又增修壇壝於大祀殿丹墀內疊石為臺。東西相向。為日月星辰四壇。又於內壇之外以次為壇二十。亦東西相向。為五嶽五鎮四海四瀆風雲雷雨山川太歲天下神祇歷代帝王諸壇。每歲正之吉。天子躬祀殿內。羣臣以命分獻二十四壇。三十二年以後大祀殿更奉太祖高皇帝配享。永樂十八年北京天地壇成。太祖配如前。洪熙元年奉太祖及太宗並配。嘉靖九年始復分祀。更定南郊。皇天上帝南向。太祖西向。東一壇大明。西一壇夜明。東二壇二十八宿。西二壇雲師雨師風師雷師。遺金木水火土五星何也北郊皇地祇北向。太祖西向。東一壇五嶽基運山。翊聖山。神烈山。西一壇五鎮。天壽山。純德山。東二壇四海。西二壇江淮河漢。建方澤於安定門外。又建皇祇殿於方澤南。以藏皇祇。及從祀主。正位黑犧一黃琮黃帛黃玉爵配位同。無玉四從。僖黑犧四。北羊四。豬四。計用犧用牝羊及豬各四。外二犢一豬一羊一鹿。為養豚胎糝食脯醢之。北羊有角灣下價。高山羊價廉。大祀不用山羊。

洪武四年命禮官參考歷代帝王。但在中原安養民人者合祭之。自三皇至元世祖三十四位。六年禮官奏。帝王內有父子祖孫相繼者合祭未安。於是別立廟。正殿五間。如宗廟同堂異室之制。所祀一十八主。皆創業之君。其守成令主一十六位。所在有

司。歲春秋各於陵寢致祭。屢經增減。至二十年立廟雞鳴山。定以三皇為一室。伏羲神農

黃五帝為一室。少昊高陽禹湯武為一室。漢高光唐太宗為一室。宋太祖元世祖為

一室。先有周文王。隋高祖。每室太牢一。禮三獻。樂九奏。舞八佾。每三年一遣官齋香帛至

陵寢祭之。嘉靖九年停南京歷代廟祭。二十四年撤元世祖。並其從祀五臣。

洪武中。命禮臣將歷代名臣功德兼全者。考究以聞。尚書李原名等。查得風后力牧

等三十五人以奏。上曰。趙普是不忠於宋太祖者。元朝既有伯顏。其阿木安童。不必

入祭。如漢陳平馮異。宋潘美等。皆節義兼美。始終無過。可一體祭之。從祀兩廡。歲以秋

八月卜吉致祭。廡二壇。少牢一。風后 力牧 皋陶 夔龍 伯夷 伯益 伊尹

叔 張良 蕭何 曹參 陳平 周勃 鄒高 馮異 諸葛亮 房玄齡 杜如晦 李靖 郭子儀 李晟 曹彬 潘美 韓世宗 岳飛 張浚 二十三

高皇帝孝陵。文皇長陵。仁宗獻陵。宣宗景陵。英宗裕陵。憲宗茂陵。孝

宗泰陵。武宗康陵。世宗永陵。穆宗昭陵。神宗定陵。光宗慶陵。熹宗德

陵。毅宗思陵。老佛墳。建文不樹。景帝。稱壇園不稱陵。在

奉先殿。光祿寺每日供養。初一日捲煎。二日髓餅。三日沙爐燒餅。四日麥

花。五日羊肉肥麵角兒。六日糖沙餡饅頭。七日巴茶。八月蜜酥餅。九日

肉油酥。十日糖蒸餅。十一日盪麪燒餅。十二日椒鹽餅。十三日羊肉小饅頭。十四日細糖。十五日玉茭白。十六日千層蒸餅。十七日酥皮角。十八日糖棗糕。十九日酪。二十日麻臘麪。二十一日揉糖糕。二十二日芝麻燒餅。二十三日捲餅。二十四日燒羊蒸卷。二十五日雪糕。二十六日夾糖餅。二十七日兩熟魚。二十八日象眼糕。二十九日酥油燒餅。以上一月共用銀一千五百九十二兩。又每月望日用豬九隻。羊五隻。大尾羊四隻。香油。棗。柿。蒲。桃。荔枝。梨。水粉。諸件。用一百六十八兩零。

四月初八日。獻新不落夾。用銀一百六十九兩四錢。玉芝宮供養與奉先同。每月用一百二十八兩三錢。宮膳每日三十六兩。每月一千四十六兩。廚料在外。藥房靈露飲用粳黍老米在外。

皇后膳每日十一兩五錢。每月三百三十五兩。廚料二十五兩八錢。懿安皇后同前。承乾翊坤兩宮。每月各一百六十四兩。

皇太子膳並廚料。每月一百五十四兩九錢。定永二王。每月一百二十兩。內閣寶錄玉牒起居會典制誥諸館。月支另有記。光祿寺每月冊奏一切內外諸費。約二萬

餘金見蔣德璟懋記

中山開平岐陽寧河東甌黔寧所謂六王也。後惟徐沐承蔭如故。餘皆削爵為編氓。弘治中始徵其嗣孫各授南京錦衣衛指揮使。嘉靖中始進常氏懷遠李氏臨淮鄧氏定遠湯氏靈璧皆侯。而青田之後復誠意伯王鳳洲曰。人知有六王而不知有六公。如馮宋公勝以卒於建文初。一時兵興匆匆不及議追恤耳。李韓公善長雖以嫌疑致隕。然反狀殊未明。見於解大紳所辨冤狀甚悉。傅穎公友德從下中原。首定蜀定滇。功埒開平。置而不錄。不無遺憾。

國初天下諸王皆置護衛。有兵權。靖難後遂皆革罷。不許來朝。惟英宗復辟後從義王之請一再朝。而烈皇時唐王以募兵討賊為撫按所糾。禁高牆。

初將軍年十歲即請封號祿米。弘治時因災異禮部會官議修省事件。郎中王綸白諸大臣定議。年及十五方准撥支祿米。定為令。今以民供言之。則日憂不給。以羣宗論之。往往衣食不繼。聞楚宗蕃衍常祿多缺。至有輕斃人命。凌犯尊長。願發高牆。以邀口糧。免飢寒者。事雖可恨。情實可憫。立法未盡善也。

嘗平心論之。有明之富不在官。不在民。而皆在諸宦寺及藩邸。治宦寺之法莫如祖述。

周官制於冢宰。黜陟有經。予奪有制。凡涉踰閑。可加罪譴。南北衙十常侍之禍。從何而起。至於天子家兒。衣租食稅。毫無職守。不肖者。但畜財貨。聚聲色以自娛。即有賢者。不過怡情翰墨。較量音律。奉事玄釋。稱出類拔萃耳。其於國家利弊得失。如避家諱。噤口結舌。不敢置喙。而於本宗之流離困頓。顛連無告者。亦充耳蔽目。如秦越然。以為此有司之事也。德政不修。親戚渙散。一經變故。毫無憑藉。駢首就戮。閭閻遭繫。賢愚同盡。無策自免。真可數也。使當日如賈誼所言。眾建諸侯而少其力。凡郡王當封。祿未於親藩分撥。將軍中尉當封。祿未於郡邸支撥。功總而下。行古人親盡則祧之法。雖屬籍天家。而裁其廩祿。士農工商。聽擇一業。科甲而外。訪其賢能尤著。行誼過人者。隨才擢用。不限所至。以壯維城。既不以繁費病國。亦不至以虛俸食貧。而國家亦得收根本之助。何至緩急無濟。同歸於盡乎。常朝之禮。近於兒戲。既於軍國大事。毫無干涉。復於君臣情意。絕不浹洽。不過通政司引奏一二本章。例下各部。及五品以上。見朝辭朝各官。面奉賜酒飯而已。昔宋理宗諭羣臣曰。近來早朝。多奏臣下辭免小事。而大事乃從繳進。甚非臨朝聽政之意。今後宜就早朝面奏。此言最是。彭公韶弘治中曾疏請於午朝時。召輔部大臣面議經邦急務。不知午朝之典。廢於何時。

神廟深居簡出。大小臣工盡以為天高聽遠。致滋叢勝。若似乎一朝接見羣臣。便可暢所懷。來立致太平者。烈王勵精。日勤召對。而朋比為奸。有懷不盡。聽言則答。誦言如醉。陷堯舜之君於危亡之地。時長安民謠云。今日召。明日召。召了一班活強盜。今日對。明日對。對的一起活秦檜。豈不可羞可痛也哉。

舊制宰相早朝。升殿命坐。有軍國大事則議之。從容賜茶而退。自餘號令拜除。刑賞廢置。事無巨細。並執狀進入。止於禁中。親覽批紙尾。用御寶。可其奏。謂之印畫。降出奉行。自唐至五代不改。所謂坐而論道者也。自宋范質王溥以前。朝舊相居不自安。共奏請中書庶務。大者具劄子請進止。朝退各行其事。自是奏御浸多。或至盱眙。賜坐啜茶之禮廢矣。我明鑒胡惟庸之害。不置宰相。而以學士叅機務。權勢所萃。漸與宰相等。烈皇慨然復古。時召荆溪便殿賜坐。商榷批答。令其就御前票擬。指揮巨璫。捧几磨墨。間令皇子侍立觀政。孜孜圖治。使得姚宋韓富諸君子左右其間。三五可致也。折足覆餗。皇輿續敗。天乎人耶。真堪慟矣。

鄭公曉曰。直文淵閣。入內閣預機務。出內帝命。獻告謨猷。擬議批答。以備顧問。不得專制九卿事。九卿奏事。亦不得相關白。凡上所下曰詔。曰詔。曰制。曰勅。曰冊。文曰諭。曰

書曰符曰令。曰檄皆審署而調劑焉。平允乃行之。凡下所上曰題曰奏。啓曰表箋曰講章曰書狀曰文冊曰揭帖曰會議曰露布曰譯皆審署而調劑焉。平允乃行之。凡東宮出閣講讀領其事。敎其官而授之職業。凡修實錄史志等書充總裁官。實錄成呈上焚其草禁中。凡宗室請名請封及諸臣請謚並擬上馬。怡為先莊節請謚蓋部擬者四送問去其二以御點其一凡圖書繕寫讐校皆課而察之。凡郊祀巡狩親征扈行凡累朝御製實錄寶訓玉牒之副古今書皆籍而藏之。凡會勅稽其由狀而敎述上請。凡禮部會試廷試貢士國子生月課歲貢生廷試吏館譯生皆總領之。其屬曰制勅房書辦制勅詔旨詔命冊表寶文玉牒講章碑額題奏揭帖一應機密文書王府勅符底簿曰詔勅房書辦文官詔勅番譯勅書並夷書揭帖紀功勘合皆稽按典故起草進畫若漏洩稽悞皆有罰。

國初先置中書省十五年始置殿閣。自太祖至熹廟所歷二百六十餘年共用一百二十七人。而烈皇十七年中所用四十四人。

洪武九人。李善長。

徐達。

俱佐命

汪廣洋。

今胡惟庸

甯國知縣以中書省

吳沉。

特

吳伯宗。

名松禮部

員外以

宋訥。

勅

劉仲質。

勅

朱善。

勅

按十五年徵耆儒鮑恂。

全思誠。

余詮。

張紳。

張長年。

字行

字行

諸闕俱授大華殿大學士固辭僅列銜未入閣故不載

永樂七人解縉中書庶吉士黃淮中書胡廣修撰楊士奇編修楊士奇編修金幼孜中書胡儼卿

諭教

洪熙五人榮進士奇權謹樂安

宣德五人榮幼孜楊溥修撰張瑄寧州陳山卿陳山卿

正統八人榮溥陳循曹鼎馬愉俱修苗衷修高穀修張益俱庶

景泰九人備毅彭時修撰商輅江淵蕭鎰俱修俞綱卿王一寧吏部王文史

天順八人見前徐有貞許彬俱庶薛瑄史李賢吏部呂原岳正陳文俱修

成化十人文見前劉定之修撰萬安劉珥劉吉彭華尹直俱庶

弘治六人劉吉徐溥修撰劉健丘濬李東陽俱庶謝遷修撰

正德十四人見前焦芳庶吉王鏊修撰楊廷和庶劉宇上海曹元兵部劉忠梁

儲俱庶賈宏修撰靳貴修撰楊一清中書蔣冕毛紀俱庶

嘉靖二十七人一清宏廷和袁宗舉興府石瑄賈詠翟鑾皆庶張孚敬南刑

桂萼丹徒方獻夫李時俱庶夏言行顧鼎臣修撰嚴嵩庶許瓚大名張壁張治

呂本俱庶徐階修袁煒修嚴訥修李春芳修郭樸修高拱修

隆慶八人俱庶陳以勤修張居正修趙貞吉修殷士儋修高儀修

萬曆二十人俱庶呂調陽修馬自強修張四維修余有丁修申時行修王錫爵修

許國修王家屏修陳于陞修趙志皋修張位修沈一貫修朱春修沈鯉修于慎行修

李廷機修葉向高修吳道高修方從哲修孫如游修

泰昌四人俱庶劉一燝修韓爌修

天啓二十一人俱庶何宗彥修朱國祚修沈淮修史維階修孫承宗修

朱國禎修顧秉謙修朱延禧修魏廣微修周如磐修丁紹軾修黃立極修馮銓修施

鳳來修張瑞圖修李國培修

崇禎十四人俱庶錢象坤修鄭以偉修張至發修周道登修何如寵修溫體仁修

李標修成基命修錢龍錫修薛謝陞修黃士俊修程國祥修徐光啓修吳宗達修

范景文修周延儒修吳仕修劉弘訓修王應熊修魏紹乘修錢士升修林

銓修賀逢聖修文震孟修方逢年修傅冠修蔣德璟修張四知修陳演修劉宇亮修薛

黃景昉修丘瑜修李建泰修來宗道修楊景辰修何吾驥修